

tongoso

lo maka'italekenganai, pi'amadhalaenanai 'olrovo'o, lo
makatongosonganai, ila dholronai moa kone lo totalekeni
palrapalranai. mani poa 'olrovo'o oha'a, mani kanemao dhona dha'ananae
mohilehe'e, "amo'alikinganai 'ina masomikace masokolro
kapadhidhapenga, amo'oomakiname talekenai amo patolalinai kone" miya.

patoloho olo kikanenadha dha'anedha vao'ae taleke 'a, odholrokadha
ka todhoma moa kone o'i ta'alikiyaeni 'itoalake, onai lo poani tongoso
to'onainga moa kone kipolringaonga, maalranaingamita miya.

lo poelrengadha malra taleke pocainga, mani poa pota'eke'ekela, la lo
topatilaiddha nao alranga kone miyadha dhona pota'eke'ekelaedha taleke,
omalra dhona vecenge mohilehe'e "ceela, amoalranai kone 'ina 'ekelenai,
amopa'oomakemi'iname". miya. o'i api'aedha dhona malra mohilehe'enga
oha'a idhopelemao dha'ananae kone, pakanekanekadha ka iconganai
ocao, makalropengengadha mohilehe'e ila mani patolalinga malra kone,
pakanenga ocao, aanai opi'ana lo 'italekedha 'aamadhalae.

lo makatongosongadha, otatoadhao lo 'italekedha palrapalramao, opoa
coloko tovaa, 'adhaananga omoanai lropilropici 'olrovo'o, tocoloko, mani

alraalraalriname, kapahanaanaenai moa 'asahovo kone coloko

alopae, 'ongolonai o'i tovaalidha vavaa. ona 'aamadhalae opi'a 'ina'i, lo

maka'italekengadha mapacainga alradha vecenge opahai, lo lropengengadha

tongoso, konekanenga dholro ocaae, ota'italetaleke todhao, opoa tovaa

to'ahaki toeelrainga taopange, "pataataahe" omiidhe dhona tapi'a dhona,

mani oa pato'o poelre sakavalraeni mani lropici 'ongolo dhona

tovaalidha, "mocailingamita mahavehavehe 'ina 'italekeni liina

laama" miya.

115 年全國語文競賽臺灣原住民族語言朗讀文章 【萬山魯凱語】 國中學生組 編號 3 號

吃新米

每年採收結束，家人會先搗米、煮食新米，並在享用前舉行儀式，祈求健康順利、食物豐足。新米吃過之後，曬乾的糧食才會全部收入儲藏室。取用儲藏食物時，也要進行儀式，向祖靈報告並祈願。儀式所用的食物僅限家人食用。

若親戚中有人收成特別豐盛，便會製作年糕、釀酒，並邀請他們前來搗米、分享年糕與山肉慶賀。最豐收者還會舉行「大請客」的盛宴，邀請全體居民同慶，象徵跨入新年，長輩與族人都因豐收而感到喜悅。